

三河縣志卷之四

典禮志

先王化民成俗非禮不行典禮昭垂所該甚廣而慶賀以昭臣節頒歷以重民事餘如鄉飲讀法諸禮載在會典煌煌可考也至於成民致方聿嚴祀典美報昭矣若普濟留養義塚之設養生送死蕃息生民皆司牧者所有事也附誌於後以廣皇仁志典禮

禮儀

朝賀元旦冬至各令艷闔城滿漢文武官穿朝服五鼓齊集東南街萬壽寺拜牌行三跪九叩首禮前後共穿蟒袍七日恭遇皇上萬壽皇太后萬壽闔城滿漢文武官行朝賀禮如前恭遇

三河縣志

卷四

典禮志 禮義 頒朔  
迎春

聖駕經臨滿漢文武官穿朝服恭赴邑境交界處跪接跪送不行叩首禮恭遇恩詔下頒滿漢文武官穿朝服出郭遠迎龍亭儀仗鼓樂前導至萬壽寺行三跪九叩首禮恩詔經過文武各官穿朝服出郭西跪接郭東跪送恩詔至公館文武各官穿朝服至詔書前行三跪九叩首禮

頒朔

每遇本府尹頒發新憲書五本即頒送僚屬外動用額設銀三兩置買憲書散給駐防並各紳有差

迎春

歲之立春前一日縣尹穿朝服率僚屬迎春於東郊祭拜芒神春牛行一跪三叩首禮回供於縣大門東側次日按立春時刻

祭拜如前執綵鞭赴春牛前一揖鞭牛三匝復一揖僚屬如之  
鄉飲酒禮

鄉飲定例於正月望十月朔在明倫堂舉行縣尹爲主以禮敦請致仕鄉紳爲大賓以年高有德士人爲介賓以年高淳民爲耆賓以教諭訓導爲司正司訓位於主官之右僚屬位於簷下以廩膳生員讀誥以老成生員贊禮正北設香案懸誥命揚觶文考鐘鼓讀誥律畢司正揚觶主官告奠奏樂升歌樂奏南陔白華華黍詩歌鹿鳴之三樂奏由儀詩歌南山之三樂奏由庚詩歌菁莪之三畢樂奏關雎鵲巢又奏葛覃采芣又奏卷耳采蘋畢賓主在月臺望闕謝恩行三跪九叩首禮畢鼓樂送賓而散

三河縣志

卷四

典禮志 鄉飲酒禮 揚觶文二  
律令 賓興

揚觶文附

司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生

律令附

凡鄉飲酒禮序長幼論賢良別奸頑年高有德者居上高年淳篤者並之有違法者不得與良善之席坐有誼譁失禮者揚觶者以禮責之

賓興

鄉試時縣尹搭橋甬道設宴公堂應試諸生至奏樂宴畢度橋簪花備道里卷資送至儀門外即周禮所謂以鄉三物教萬民

而賓興之仿其遺意也

鄉約

本朝頒聖諭十六條縣尹選耆碩爲正副鄉約每朔望日縣尹公服率僚屬蒞講所龍亭前行三跪九叩首禮反覆宣揚勸戒凡鄉社之民環立拱聽即周禮月吉讀法之遺意也

掾護

每遇日月蝕本府尹行文到縣至期縣尹率僚屬擊鼓三聲掾護於大堂前列香案供圖於上陰陽生報初虧行一跪三叩首禮僧道奏樂不絕各官環走三匝即古者伐鼓用牲於社之意再報食甚環走如初生光亦如之復圓行禮如初日食用朝服月食常服

三河縣志

卷四

典禮志 鄉約 掾護 上任三

上任

上任之前一日齋宿公所次早穿朝服進東門祭城門行一跪三叩首禮至縣治祭儀門行一跪三叩首禮望闕謝恩行三跪九叩首禮拜印行三跪九叩首禮進署更蟒袍拜竈行一跪三叩首禮升堂僚屬吏胥參謁次日謁文廟行香行三跪九叩首禮崇聖祠行兩跪六叩首禮文昌祠城隍廟八蜡廟俱行一跪三叩首禮關帝廟行三跪九叩首禮倉神馬神獄神廟土地祠俱行一跪三叩首禮明洪武十七年勅每月朔望郡縣長吏詣學行香本朝因之關帝廟城隍廟亦一體行香

送學

每遇歲科試後縣尹傳齊新進諸生穿公服赴縣行庭參禮飲

酒三盃鼓樂前導縣尹送至儒學詣至聖殿前行三跪九叩首禮至明倫堂縣尹位西教諭訓導位東行五揖四拜禮縣尹轉東位教官轉西位行交拜禮畢令諸生向教諭訓導行五揖四拜禮諸生復向縣尹行五揖四拜禮凡諸生揖縣尹教官俱答禮畢鼓樂安坐宴畢教官送縣尹上轎諸生送至儒學大門外右首揖候轎過而退

按先王緣情制禮因性作儀其禮儀之煩簡一準於情之隆殺故得性之和况職列冠裳而爲一方士民之表率乎謹依會典備錄之守土者弗視爲具文而以敬行禮斯可矣

### 祭祀

丁祭仲春仲秋上旬丁日丁屬火取文明之義至聖先師歷代

三河縣志

卷四

典禮志 祭祀

四

追封大成至聖文宣王塑像袞冕祭用羊鹿豕籩豆簠簋爵斝筐幣籩加十二樂用八佾嘉靖辛卯輔臣張璠議撤像易以木主尊爲至聖先師祭用籩豆各八舞用六佾顏曾以下從祀者咸改公侯題曰先賢某先儒某每逢春秋上丁日致祭

縣尹各官前三日齋戒前一晚率僚屬視牲告潔至日五鼓教官先祭崇聖祠畢主祭官分祭官陪祭文武各官俱穿朝服文東武西各依班次行禮知縣正獻行三獻禮樂用六佾教官典史分獻行一獻禮獻畢復位行禮送神揖望燎先一日宰牲爲醢毛血用盆盛貯臨祭瘞埋蓋取毛以告全取血以告幽也皇清雍正二年設佾舞三十六人四年復用太牢

祭品

太牢羊豕各一俎 雲雷象犧尊各一獻 太羹一登  
和羹二斝 黍稷二簋 稻粱二簋 菱栗芡榛棗鹽膏

魚鹿脯八簋 醢鹿醢兔醢魚醢豚非菹笋菹箒  
菹芹菹八豆 爵三 用勺以挹酒 帛一筐

明英宗命祭品非其土產以所產代之

崇聖祠 雍正元年進封

先師五代崇以王爵奉祀 肇聖王

裕聖王 詒聖王 昌聖王 啓聖王

以四配之考配祀從祀者以周程張朱蔡五先賢陳設與上同  
惟少太牢一俎太羹一登

四配十哲兩廡從祀以次而少殺

名宦鄉賢兩祠 豕一 羊一 帛一  
爵三 兼用果品

文昌祠 祭品同上縣尹於祭

至聖後率僚屬詣祠致祭

三河縣志

卷四

典禮志 祭祀

五

按 文廟祀漢晉及隋或稱先師或稱先聖或稱宣尼宣文唐謚  
文宣王宋加至聖號元復加大成號明史洪武元年二月詔以  
太牢祀孔子于國學定制每歲仲春仲秋上丁日四年禮部定  
儀注改初制籩豆之八為十籩用竹其簋登礪及豆初用木  
者悉易以瓷牲易以熟樂生六十人舞生四十八人引舞二人  
又詔天下通祀孔子凡府州縣學籩豆以八器物牲牢皆殺正  
國學景帝增兩廡祭品品宗增八佾籩豆各十二孝宗釋奠用  
太牢加幣世宗嘉靖九年宰臣張璠言孔子宜稱先聖先師不  
稱王祀宇宜稱廟不稱殿祀用木王易塑像籩豆用十樂用六  
佾天下各學八籩八豆舞止六佾牲用少牢本朝復用太牢餘  
儀因之

戊祭仲春仲秋上旬戊日戊屬土取祈報之義

社稷壇

山川風雲雷雨壇 奉城陸牌位在壇內

祭品 羊一 豕一 帛十五 爵十五 棗栗鹽膏魚各四簋 黍稷各二簋 稻粱各

二簋

乾隆二年奉 上諭府州縣地方凡遇戊祭日期如有提鎮道員

各按品級分東西兩班行禮陪祭

八蜡廟祀 先帝 司畜 司農 水防 貓虎 郵表 水滸 昆蟲

祭品 豕一 爵一

城隍廟清明日七月望十月朔三祀

祭品 豕一 羊一 帛一

三河縣志

卷四

典禮志 祭祀

土地祠 在署內 祭品同

馬神廟 在驛內 祭品 羊一 爵一

獄神廟 祭品 豕一 帛三 爵

奎星樓 祭品同

忠義祠 祭品 豕三 帛三 爵

節孝祠 祭品同

關帝廟每歲春秋奉文頒發吉日及五月十三日共三祭

祭品 太牢 羊豕各一 俎 品四 爵三 帛三 果

關聖三代雍正三年追封公爵崇祀

光昭公 裕昌公 成忠公 祭祀日期同前

祭品 豕三 羊一 爵三 帛三 果

先農壇每歲仲春奉文於亥日致祭畢舉行耕籍禮

祭品豕一 羊一 雞魚肉脯四簋 湯飯簋各二 爵三 果品 帛三

耕籍時縣尹穿蟒袍詣籍田農夫牽牛耆老播種印官扶犁九推各官俱九推撤犁

雍正十三年奉旨致祭先農令該地方正印官承祭外其大小各武職官各按品級分班行禮

乾隆八年奉文行常雩禮每歲照憲頒吉日奉社稷山川先農雷雨五案供於山川壇合祀

祭品羊五 豕五 果品五 帛五 素 爵五

邑厲壇 每歲清明七月十五日十月朔日祭無祀鬼神於本城北郊迎請城隍主壇

三河縣志 卷四 典禮志 祭祀 卹典 七

祭城隍豕一 羊一 果品四 素供五 爵一 其按 入學釋 無祀鬼神用僧道誦經至素供酒飯隨用

菜典有獨隆我朝尊師重道封五代設太牢增樂舞故詳考禮制冠諸卷首他若壇壝廟祀所以捍一方福兆民者毋曰幽漠實式憑焉祀典所謂遵國制達民情也司祭者可稍忽歟

卹典附

養濟院 按宋謂之居養濟院元謂之孤老院明謂之養濟院舊志在縣治東南隅今址無考乾隆五年知縣彭萼采在治東土地祠旁置房四間

乾隆二十二年知縣陳景以逼近祠宇孤貧作踐非所以昭誠敬移置城南構土房五間收邑之孤貧無告者每月給米薪歲給冬衣布花銀兩死施棺木

留養局

乾隆二十三年奉總督部院方題請直隸各屬設留養局冬月留養貧民春融散遣其有篤疾及年過七十者常留在局通計一百四十州縣衛設局五百六十一處三河設局三一在南店房三間距城一里一在夏店房二間城西三十里一在段家嶺房四間城東二十里乾隆十八年署知縣師友尙奉文勸輸銀百兩商領營息月息一分五釐歲收息銀三十六兩

謹附總督部院方頒立局規

一籌經費銀有官捐者有士商樂輸者有裁無益之費改充者有官物撥入者皆交殷商營運收其子息地畝有價置者有捐施者有官地撥入者有召墾畸零成熟者或賃租收息或寺僧

三河縣志

卷四

典禮志 留養局

八

自種以資米薪之用

一建局房有購地新建者有官房改設者有依寺廟賃借另別門戶者或賃借或建設門立木牌大書留養局三字有瘡瘍者異處婦人異室

一給衣被交冬人給一襖二三人共一被病及六十以上者給棉袴袴有餘則以次遍歲須新製勿令短薄

一收養期始十月朔如年寒歲歉則於九月望開局至二月止春寒則展至三月望去日量給數日錢米有殘疾不願去者仍准留局

一收養費每日大口給米八合小口四合十歲以下爲小口乳孩不給大口日給薪菜錢四文單身者五文聽自食如聚至數



十百人則煮粥日二次

一經理人或鄉耆衿監或寺僧或本處鹽當商惟誠實能事者任之

一備醫藥歲製寸金丹萬應丸之類存局備用一棺埋在局病故者官給棺一具埋於義塚如收養人多預製備用

### 漏澤園

漏澤之設肇自有宋神宗可陳向之奏建以葬民之死而無塋者本朝因之園在邑厲壇後

### 義塚

塚地八畝在南店東大道旁立有石碣一座

東至胡地  
南至道

西至李旗地  
北至喬旗地

### 三河縣志

### 卷四

典禮志 漏澤園 義塚

九

雍正七年知縣林奕繩捐銀十兩置買凡死而無歸者許其瘞埋

又塚地一畝在南店張大明王廟後康熙年間越人所置凡浙紹流寓死而待歸故土者許其浮厝孤獨無嗣者許其埋葬

按 鰥寡孤獨窮民無告西岐惠鮮之政所首及也范忠宣趙清獻惠養窮黎活衆歲以萬計史冊皆艷稱之我國家斟酌前代之宜雖一邑之小設養濟以恤其疾苦設漏澤以妥其孤魂此

真嗣美周文而制府復體皇上好生之心無一夫不得其所即

一邑之留養局亦必究心經度永垂良法爲令牧者可不實心

### 經理歟

論曰禮嚴上下制行之原百度之禮儀卒獲民志定矣羣祀之

俎豆靡忒神聽聰矣至卹典則賑窮補困尤爲發政施仁所必  
先者固司牧者所宜加意也故連類及之以見幽明上下無不  
以至誠動物而天下固無一失所之人焉